

復
莊
詩
問

復莊詩問卷三十三

大梅山館集

鎮海姚燮某伯甫

元夜作詩示臯兒

以下丙午作

繡裳丫髻傳柑嬉當風擘楮誇蝶飛三十年前十二歲
未忘歡樂今宵時今宵月似比前瘦我亦類憊違時宜
招兒近膝與之酒兒無嫌我多煩辭影堂懸像爾曾祖
昔撫我頂牽我衣南城北郭看燈市索錢市果兼餽餽
歸來未卽索牀睡依爾祖膝學哦詩今隨爾祖但懸拜
爾亦肅拜我後隨爾何及冠頑不羈爾弟八齡無母依
得隨爾父侍爾祖人間十家九所稀矧爾祖母尙矍鑠

何殊爾母恤爾慈爾不羈沒望成立自棄如我將誰訾
鬧蛾夾巷燈葳蕤吾檐獨靜橫梅枝梅花雖瘦香心肥
肯從清苦全陽機一年一燈促人老能有幾度如今茲
團圓明月窺酒卮流光溢作空濛暉安得爾祖爾祖母
得看爾達成門楣今宵許爾盡情醉但弗出門隨轟馳
吾言已竟爾且去護持爾弟嬉前墀楮燈五色當馬騎
能娛祖母開笑頤我還坐酌罄餘酒起乘庭月行遲遲
萬家簫鼓喧以歷寂心獨感誰從知

瑞香花

生愁人醉死不肯十分紅夜燭怨清蠟曉窗憐唾絨抽

香纏暗露揜盼避顛風燈節遊街女新腔鼓調工

托春詠懷四章

萬卉當華春詎復凜枯槁棄士鮮外娛撫心獨秋老頗
慚少女風分和到襟抱空院無鳥聲微吟靜差好南湖
矜袂遊車馬競潦草方怨晨旭遲旋嗟夕陽早均此芸
芸生誰真夏夏造芳洲多墮紅流雲影低掃

鄰樹高出樓柴門曉多陰膩袖如有香宿雨偶來侵宿
雲亦未散作態故淫淫罔拭天障空苦匿山谷深初苔
引纖蝶茂竹栖倦禽養貞得孤尙會寓殊羣欣萬妙各
潛息三古未遙沈泠泠落砌泉不絃自爲琴

我惜西家妹攬鏡彫華姿
卅年手植楊十度見成絲
厄地多雪霜瑾守亦匪辭
明靄浮遠岫華運今何時
身猶澣衣役名悔采桑知
復難特容飾翻使銘慎持
燕羽不借風能擇山川飛
匏瓜無塞脩太漠援靈期

氣柔易爲蕩至逸成至勞
敢持寸管青刻畫窮芒毫
江鷗不入城野鶴未離臯
金谷十萬花讓與孤鶯豪
匝頂空香霏日氣浮滔滔
流光趨六時耳目靜何韜
張燈照檐幕激酒等聲高
焉知白紵辭發源從離騷

酌雨中懷人有作

東風寥嬾袂能知靜日深
樽苦獨持樹切暗檐浮水
黛

天橫明箔漏雲絲，閒堦不掃蒼苔滿。羣雀都歸一燕遲，
積逸生勞吾悔醉。漫將消息怨花枝。

城北郊遊

馳心略放看書檣，撒手何須挂杖錢。泥屐草痕蒙宿露，
入城山影抹低烟。梵家花木無塵垢，豪宦園林但壠阡。
隨地兒童資問訊，從吾蕭散得安便。

情感

天白澹朝星，隔江山送青。爲他拋玉笛，何分怨銀屏。
紵袖斑斑淚，春潮貼貼萍。舊歡邀不得，桃葉苦伶俚。

江上送客

復莊詩問

卷三十三

三

大梅山館集

迥海雲摩日低城樹合山山烟浮野去江鷺送潮還佳
約宜橫機伊人正采蘭如何西逝客離思不能閒

爲章

元事

題汪孝廉

昉

所畫雲巖飛瀑圖

我別汪子今七年昨夢攜手台山巔桃花照澗大如瑣
仙種不借春風妍白雲飄空如墮綿嬌之嵐氣成碧烟
窮搜暗穴得丹竈石香凝乳皆龍涎洞然厓戶啟天鏡
冰壺一握靈蟠懸光明大地出城郭鸞馭在下多散仙
我與汪子但歌嘯蕩爲玉簫何珊珊然醒時竊眇不可索
不以難索遂忘捐今日章君示茲畫隱隱夢境重相緣
萬山蒼莽赴孤屋屋無人住無琴眠屋根一壁動溪影

絡壁萬蔦溪光湔飛流倒地極鎗韜過硤始作波淪漣
得毋汪子有同夢此境早熟抽毫前空山日月自明晦
人情風雨多流遷半生媿負霄溪鷺往事愁說天津鵑
安得汪子共謀隱章君振笛吾叩舷蓬萊樓閣出彈指
素衣鶴潔長鸞鸞

春江吟

幽心一逝動千里夢底春天渺春水水陰臺榭蘋花深
深綠漂嵐濕鶯尾鶯啼二月無怨聲初楊窈窕能媚情
迤江晨岫六七疊黛雲摺作屏風青美人羅幃愁未醒
酒邊烟語沈玉箏玉箏罷彈天水靜簾影搖搖亂帆影

茫茫湖去鷗不知惻惻風來燕能省

自平橋放舟遊湖

微雨宜行船清颺宜坐樽好春無一花草綠暗生烟城
影碇水影宛若沙橫山閒鳥知人心弄翻青蘋間曠岸
開柳圩樓閣浮空雲軋軋惟榜聲天深靜無喧佳日多
厭娛遊情衆方關吾抱冲和襟獨泝興忘殫至象蒼靈
悅妙氣皆蘭茝相待如有期意得誰喻言

寄林鍾岳

霏霏一夕雨春水大江生柳密山添黛風微燕入城宿
製邀淺酌滑指膩初笙有憶不相見獨歌空許情

簡湯文學

注

城根江草弄春冥
城上宿雲吹曉青
一鳥飛來吾屋住
清歌送與獨花聽
昔時雨屐思佳襖
昨夕風簷夢釣舲
傳說文園近無恙
愁垂吟袖倚山屏

始聞雷

水廊苔氣夜能清
罷酒無眠對竹檠
天發靈聲攄醞釀
人從靜地攝和平
隔江昨已千山綠
廣陌明看萬犢耕
鄰叟要占新玉歷
披衣乞火叩柴荆

青春

婉變青春燕子飛
桃花天暖稱單衣
汲泉坐石量茶餉

枕瑟眠苔遲去夕暉謝事難誣生性拙閉門漸覺泛交
稀不須妄想參禪定罨樹遊絲得靜機

曉氣

曉氣浮埤作水澄暗烟牆角自垂藤親孥體健資粗飯
雲口天高縱獨鷹靜護餅花簾再下閒編史事手親膾
臠身不插紅塵脚抵得空山退院僧

薄晴

花色奪烟明竹香浮夢清生憎簾黯黯微隔疎盈盈靜
曉寬閒酌和天養薄晴儘渠風過漏拂落鳥雛聲

閒怨

宿火籠薰抱牋溫一燈一榻奈黃昏夢邊樓閣空鶯跡
淚底江山祗月痕花到十分春漸短人無幾別事難論
看拋遍地黃金彈誰翦巫雲叢綺魂

離思

樽邊離思出關潮短笛風亭怨柳條醉上城樓看落日
去帆東指暮山遙

陳生彈琵琶詩

花髻天街舞對山出塵狂態俗難擬一生教妓貧能食
半夜聽烏月滿關我涕待揮君與雪人心好靡遇終慳
少陽柳絮春魂亂絡指勞絃那復聞

過攬碧軒悼葉文學

元增

並弔孫明府

家敷

厲山

人

志

兩先生卽寄枕湖社同社諸公得長歌六十

句

悲來忽復憶前樂在昔樂時甯及悲多憐華屋毀兵燹
此屋不毀今栖誰獨楸葉少鷗巢危竹梢過牆當路垂
竹深苔深堂壁綠塵絲繚屏野狸宿對屏一尺紅檠枝
病燕淒淒代鵲哭春樽酒盡春魂飄隔樓春山如怨髻
夢中天水有萍葉眼底川原無柳條斜陽此日軍門角
明月當年畫舸簫社中十五人同調年二十四吾最少
一年三十六社集各抱心機織天妙主人鶴立瓊臺姿

山人猿臂青蘿衣，襄陽令公解組歸。太行冰雪激鸞脅，

彼十一人亦罕奇。左髯右姣殊侏頽，我雖不駒猶不犁。

騶皇並乘駿駢駢，於今死者十之半。

兼謂鄭仰、高明、經喬、還尹、少橋、明經。

嘉年或縛微名遠方宦。

謂陳漁、瑯、僅、王、秋、槎、淑、元、孫、東、津、漆、三、大、令。

餘六人者

長貧賤，禿項依然鍛中雁。

謂張鐵峯、怒王、乃、孫、梁、閻、兩、年、丈、奈、花、禪、梅、陳、鯨、仙、福、熙。

阮小巖訓三、明經、李、醉、薰、文、學、作、賓。

我亦齒豁頭欲童，六年病困成廢躬。

冉冉陽春光已逝，茫茫大海源誰窮。此生此樂樂不再，

獨行獨悲悲以慨。斯人阨運一劫罹，何處名山萬古賴。

金難贖命文難食，甘歲滄桑了胸臆。舊階綺石藤蔦黃，

後輩諸郎袷衫碧。年年西風鳴促織，西風九度主三易。

北邙白楊愁蕭蕭密院箏絃正催席客來何爲幾遭叱
視我曾無顏面識囊琴作枕書擁牀高臥分明那回夕
出門看潮無恙流舟子相逢多白頭猶能記說上巳禊
桃花烟心尋栗留一鬟一客一酒甌詩聲夾雜歌聲柔
謂我意氣獨陵厲向天狂嘯揮吳鉤

斜巷

斜巷草淒碧斜門花揜迴春深人不見雨過蝶能來幽
夢拚長住芳期苦暗催幾家兒女病簾幕怯晨開

欲雨

萬木颯將雨雲先作勢低雨光浮海闊雲勢接檐齊弱

燕怨春泊單衫愁晚淒持心辭變習抱棘幸窮棲

答徐司馬

榮

奉化道中寄懷作用原韻

漫郎病困百計嬾性惟癖友還癖詩良朋遣走

去

遞情

語若匿冰窖邀陽曦眼前佳人半宿草劒心斬斬持示

誰白雲生憎冉冉去青山苦與寥寥期兜春巷曲綰疏

髻強搜風月相嚙吮頗思散騎唱中婦玉蘭花醺同療

飢玉蘭初花三五枝黃毛乳鶯飛當楫愁絃自媚張衡

思老面已醜猶嬌癡醉魂能御綠虵馬冒星擬向君邊

馳君行剡曲川巖奇野桃正發公棠猶我魂傍汝汝不

見問之枯狄當能知我容枯瘦近如狄縛藤守洞難揚

復莊詩問

卷三十三

八

大梅山館集

詹幸茲飲啄慣荼蓼未肯濫受塵韁羈念君煩苦易疲
粹亦弗冒瘴行淹遲馬蛇百足不逃憤見夔斯訴君毋
嗤

附原詩

漢軍

徐

榮

鐵孫

姚君前夏過我飲手持蔣侯

子

薦士詩傾囊出示一

尺藁高跨駿駟追娥曦自闢鴻濛建旗鼓主此世界
非君誰眼空四海亦許我懸竿午影深相期一別蹉
跎忽三載寄章未報慚嚬哢逢人間訊每譏笑苦道
著書常忍飢君知時尙逐腥腐鮑朝朱頓當門櫓吟
詩作賦世不要看我自好如君癡七年湖上餓不死

松檖又作東西馳四明突兀蛟門奇春風吹船滄海
澹春風吹來復吹去青山滿眼誰相知聞君賣畫且
沽酒閉門日對文君看固窮如此亦可樂俯首何必
爲人羈明朝扣戶踏春雨握手莫使杯行遲醉索新
詩仰天讀玉壺擊碎從渠唾

贈燕

過江風雨閒花盡送客山川亂草多又是一年春欲晚
忙來忙去苦因何

清明

晴湖晨不雨雨自向城吹雲色澹鶯袖露香蒸柳枝麗

人尋夢怨客者動歸思我自眷明淥將心與蕩怡

阿育王寺忍辱松歌同徐司馬賦卽寄住山僧

禹

九 松晉植也夷擾其地卽枯徐君過而慨焉名之曰忍辱忍辱者不忍辱也紀以長歌因同賦之

葛藤斬斷罌罇了空谷春沈天地槁歷三千載今始亡
在切爲生云壽考此松非松龍象馴蒼皮鍊石森鋏鱗
力辭典午帝封濫靜如泰岳燐嶙岫遷山移河棋一局
佛手無權陵鬼哭顛風撼巢鶴折足百萬杵篁勢窮蹙
此樹獨抱金剛堅不使彫殞改顏綠咄嗟夷醜來海西
斧穿山壁搜玉泥莎烟痛絞鵬鳥啼曠野無屋逃羊麇
戒師出定神魂懷定力莫護貞心濟喃喃梵咒當薤露

一絲不綰投劄篋空空解脫化諸相詎肯蒙羞負譏謗
深巖秋氣潮澀枯冷院鐘聲月摩盪兒孫後起悲族刑
性命全歸感天貺去年冒雪吾筇屨窮途晚餓曾乞齋
獨寒雲幃索靈魄馬死未葬千金骸真仙或有返魂術
鬚秀待發生門雷今年使君駐行旆爲道禪衣猶委脫
直剛無撓自無害撐拄乾坤能正大流響常縈不濁泉
羞色甯爭再生檜少年夢騎孔雀遊記見青天羽葆蓋
舍利不炷元燈光一名放光松玉几名山蘿烟裊愁黛讀歌擊
節聊繼聲海旭上軒長颺清遙知阿師弄階卉不管人
間榮辱名

送徐司馬還省

江城草作凍烟色屋脊啼鳩驅不得夢中天水尋故人
萬里空明見垂翮三年一別今始逢昔時秋雨今春風
春風吹我舊牆樹牆外垂楊未成絮相期著屐同聽鶯
晚潮催促江上行片時握手心差慰倉卒終如夢中對
今宵我夢隨子舟子或夢我城根樓城根記取甘溪巷
一桁蘆簾挂月鉤

述春五絕句

花修草整氣溫和歌女知春春與歌一尺遊絲在塵隙
隨聲款款蕩風過

暗嵐漂水盡情東斷岸桃花明獨紅花下斜陽花上雨
累人心眼墮迷濛

初日牆高花影高轉空青翼蝶飛勞不知花裏誰家幕
玉桺重重鎖不牢

高樓美人宿髻偏袖拂簾香思續眠纖鶯不耐向儂絮
儂苦自憐誰汝憐

補袂南湖病未堪清明三月初三看他一道湔裙水
深作脂紅淺靨藍

夢

一寸青蠶大海浮夢中心跡照吳鉤故人死情拋生樂

少日情絃閉古樓泣別聲多楊柳盡催春雨急杜鵑愁
賸吾短髮差差在簷屋涼烟擁獨篝

城西

城西斜巷草如蓬那有鳴珂駐玉驄懶與曠烟收晚綠
苦因彫鬢怨春紅畫樓短燭櫻桃雨荷葉橫塘翡翠風
鼓響自肥絃自瘦司勳自笑綺懷窮

楊花

流浪飛塵作住鄉夢時苦弱醒時狂未應倚病看風轉
不那橫橈唱水香三月人間多怨笛大江鴉影有斜陽
王孫車馬天涯路楚驛吳關去正長

古意

紅藥粧慵青杏孕暗雨難瞞夜鵲聽燈脣玉蟲含炮光
借作朝暉慰春病貯人深恨樓最深深心苦向深樽沈
隔簾山眉慘凝黛下使大江橫怨陰子夜羅裳變商拍
枉乞烟絲繫蘭魄屏風三重鏡一尺東西鴛鴦花界畫
天上人間苦多少

感懷四章與余明經

梅

萬萍擾雨兩鷗馴假息三時閱九春修禖少遊誇廁社
偃鋤老隱得比鄰天梁不試安驅馬花國誰容握蹠人
藥口蓬頭無肉相入塵畏與醉屠嗔

江堞檣旗晚對樓柳花潑檻媚梳頭條風蕩路禽言絮
遠暝蒸田麥氣幽靜盼可娛身得止靈懷無惜夢何仇
讀讀幾輩趨時網那識含華絕景遊

玉完新隸左仙班未要觀河感鰲顏綺夜鶯花中曲鏡
富春烟雨大癡山事防聖壁畱形蒂手肯搏雲作妙鬢
天問九歌猶詭譎漢風唐雅例除刪

不許昌黎送五窮好雨七首事猿公名心賊道須防酷
靜力降愁未礙雄翡翠晨巢蘭煦潔蟾蜍夜皎鏡天空
轉移功罪吾資柄蝨處深禪抵大蒙

偕隱圖爲余明經題

奈君一枝山水筆遠奪荆關手中出寫照自寫偕隱圖
理法森嚴局法密一折疎籬兩三屋屋南流溪靜穆穆
屋東有山西有木屋北十竿百竿竹百竿千竿遞明綠
夾竹掩映千梅花溪光梅照山竹遮竹枝瀟灑梅槎枒
瀟灑爲君心槎枒乃君骨有婦梅清臞有子竹清越烟
雲往來鶴出沒吠犬鳴雞散飄忽婦操臼兒讀書君自
簑笠攜犁鉏此願頗欲此生老此境吾恐人間無境所
未得存以圖圖成索我詩腸枯我詩不能如君畫筆好
猶能知君畫意之所造空山乾坤古無老洗盪秋塵發
春皎泉棉可溫糲可飽眷屬團圓長壽考

檢書得徐編修師遺札

江海催人苦逝川文章得失感魚筌
閒庭寂寂春飄雨舊淚沄沄墨化烟
遍地枰篁吾廢樹半生心腑有寒泉
飛蓬不掃鶯愁翻忍憶江亭對酒年

吳門楊山人

韞華

病危以書見貽讀竟題後

簞士無悅生賢人每窮死近死持寸心
確然悟生始百年知莫追既死死何俟
但求死後波不沈賤名氏楊君負道名
在世甯速毀毀身弗毀道憑命實憑理
君恐難自憑亦難聽其委顧以此任鉅
托肩及賤子惻惻三百言黯黯墨浮紙
想君力疾書不復惜枯指作書三月半

半月達吾視，亟思報慰君。恐君已沒齒，黃土萬仞泉。
青天一寸晷，置枕未及眠。誰亡更誰在，今日東風歸。漂搖
衆情改，我情思縛春。因君頓弛解，倘君身竟生。轉輿奪
明采，應有含笑魂。來破夢中涕，蜚鳥馳空濛。未來往先
待，惟斯千載名。昭昭翊真宰，我名愁失傳。胡由與君恃
我縱，不傳君名豈逐身。止反覆君書言，令我志摧靡耳。
攝東流江奔騰，入滄海。滄海流無垠，名存亦稊米。君何
不達觀而不究其涖，長餓累妻孥。獨介忤鄉里，生無術
禦窮而僅戀。乎是悲哉，君百窮不窮，或賴此。

初夏卽事二章

委塵減勞役致我心清幽繚屋花娟娟佳女來倚樓萬
象色爲睽天妙供神遊琴潄絃無聲引歌自遲留

上渚茭葉白下渚菖蒲青晨漁方試橈拍拍鷗來迎初
旭自然好雨氣暗生馨獨眄愜所懷安使酒杯停

獨坐有得

徑蘚分陰到螭牆烏雛立竹待羣翔困心家事拋吟事
澀眼雲光奪楮光犖確難捫生石意沈冥可住卽天鄉
隔門城堞江嵐滿下有寒流上夕陽

憤極

人於悲憤極意氣復難多面壁呵天問抽刀斫地歌馳

駒空大野寄鳥但荒蘿且引南禪例齋心懺蝸磨

金八姑鶴骨簫詩爲沈

琛其

賦

姑適某氏構於讒爲夫所棄訟之久

官者卒離之遂投海死簫其遺物也

春棠不蕪枯猿心湘篁泣黛鵲樓陰瘦燈如睇夜魂語

一絲瓊響空烟沈入姑娟年女貞骨恐隸情仙學頑佛

轆轤爲心齒舊潔井底銀潢古星月

姑名星月

麗車三月歸

郎家鳩媒一誤隨烏鴉烏鴉豈合儼青鳳楔偷人面來

磨牙密幕流蘇墮螢黯角枕千山萬山險紛離匹溢發

幽感大石淒涼尾聲犯不歌半路溪輕薄篇又不爲棗

下簾簾邀人憐巴姬飄厲韓娥冤拉沙截雪填龍淵千

復莊詩問

卷三十三

七

大海上官

鳴出音萬咽入黃河來遲日去急雷門上鍵真宰泣乳
洞元霧作崖立調隨指變還鬱紆人間哀怨無剩餘王
滿爲姬潘楊殊旣非秦羅敷而豈梁綠珠以剪斷髮刀
割孺妾也薄命誠區區堂堂皇南面縣官猾舌磔鴛鴦
辭辣旣不得重執箕帚爲使君之妻如何甘漆身剗膚
銜碣而長沒靈龍頽砭摩瀕穹其下爲蜩像宅冰蟬宮
或有頷嬪湘女往來儵忽明璫翠羽光熊熊妾也薄命
行相從城闔枯桑吹慄風癡勞駭燕殊西東畫鉤飄零
羅襪棄闌干天杪傷心紅一握參差萬金值非六州鐵
九子石蓬萊芝根破塚得昭華火毳與磨拭惟韻鏗訇

色紺碧脩趾神容夢瑤夕雲螭昔騰瑯邪陬祥虹近發
東陽緘血斑寸寸靈魄監鵬母如鍛雙飛鵝森爾螭壁
秋霜嚴秋霜稜稜礪爾指黃鐘不生太簇死白浮鳩曲
城烏謠我弔孤臣悲孽子我聞應真五百香臺旛湖流
金碧交連繙姑被棄後嘗繙五百應真歡門供西湖昭慶寺錢唐陳頤道丈有詩何當攜
此渡江去作無遮會招其魂鼓鐃和曲小海翻慧林七
寶來妙鬘玉音飾滿花山攀

過城南某氏廢園

偃門寒瘦雨三松不作雲姿但雪容高下水廊闌盡廢
參差花徑薜蘿都封青梅明月思荷社白髮公孫隱菜傭

小拾新藤延晚照湖天無際莽聞鐘

雨後倚江閣

天杪一行鴉雲容凍闊沙江空搖獨葦雨定接繁絃曲
浪浮嵐轉遙帆作勢斜茫茫吾倚閣吾思與無涯

閒居三章雜用陶詩韻

軒窗無繁林背水自然陰慰讀多異書略許揮勞襟希
微元響招指俗難試琴夢寐未浹古年華倏成今卉物
乘鬯機樹采相崇欽廣有天露濡拒我一勺斟和平揚
玲瓏誰發空山音攬此短髮疏有花讓人簪願終斗室
鍵抱窳息諸深

瓦雨未及地在漚猶清泉凍餓有厚恩理難向人言冥
造不遺小乾坤最勞繁衆苑而獨荒是亦受者愆江流
送諸象不擾江上山可知替亂中宜奪孤心還摧躬及
疲憊始悔利名纏未聞搖落秋可補青陽年得持罔非
柄離想卽云遷範趾無越涂安庸憂未然

至悅接無象佳人如清颺清颺不恒來誰肯拂吾衣誓
言雖未負素念存漸微苦于樊棘叢植此傾陽葵百年
期盛榮秋霜不相衰胡爲暘正暄風已落葉揮深根尙
堅好保守猶匪遲弗令牆隅篲爲爾蕭蕭悲

夜半

夜半人間萬響沈病鳥自語綠杪陰開門城月一痕白
隔樹江樓獨火深後日關山誰去住中年哀樂易侵尋
幾絲白髮催春老怨絕明河爛錦衾

撫琴吟

黃翳堆槃盧橘爛茜霧飄檐石榴綻酒樽臥擁苔氣深
樓閣江城水雲漫暗風入幃涼切肌香篝小燕添羅衣
遊絲不繫燕魂重濕烟能壓簫聲低孤燈昨夕夢天海
絡島銀蟾動明采射屏鶯睇露光涵膩簟龍膏玉痕改
亂蛙語夕池波深香萍貼上么荷心無聊醉撫新絃瑟
暗翠橫牆竹作岑

畫梅畢各繫以詩得四章

低雲挂眼頗思雪於時似忘五月熱繁綠抱屋愁硯昏
忽有西暉斜到門新墨融融氣如黛人影窺屏發明瞭
明瞭一瞥千花飛花影蝶影相合離蝴蝶墮魂花入夢
滿紙蒼苔古烟凍

咬筆更作枯瘦幹氣有貫注不嫌斷穠桃冶李何足奴
如此天真方爛漫珊珊玉額姑射粧了無羞澀來堂堂
人間不有王元章使爾入世愁凋傷

調脂弄鉛兒女事暫借英雄低手試廣平嶄嶄鐵石腸
何似魏徵多嫵媚一衫水氣雙頰霞玉樓春夢迷桃花

得毋怡悵西陵車

百屈不肯作直勢
鍛冰鍊雪成此樹
樹根一石梢兩花
神姿天照力地拄
陽春不死存片心
萬夢未迴人撫琴
琴聲眇眇鐘沈沈
老鶴步月荒烟陰
吾屋窮若空山深
夷人退還定海後
紀詩四章寄呈王
明府師正顯

兼寄咸

齡

鹿

澤長

兩觀察舒司馬

恭受

朱明府

緒

曾孫
離尹

廷璐

抑遏斯民愁七年
罔或紓鄰鄙各戒
危忍餒無逃墟坐
視邱墓鄉子孫成
夔魑懷刃入萬榛
荒亂信何鋤天心
悔殘虐力欲存其
餘驅置衽席安似
難少躊躇太和宣

無形積戾雄蕩除瘡痂雖脫身元氣削已虛嗟我久質
春頗復思室廬在昏旣完好有齒當保儲海風迢遞來
眷我牆根樗庶幾東門林得止歌鷄鵠

在昔構亂初禍難諱所自上帝赫以臨焉忍歌內異絨
口相飾瞞箕踞但私冒鎔鐵揚炭鱸鼓誰勁其鞴朝令
夕復更此軒彼旋輕聚鬩無確謀寸心各懷魅明罪旣
工避榮名復工伺燭額池中魚冤遭城火累委念忘民
勞延首聽天意春花霑雨中蝶蜂互猜忌我愁危棟頽
終難寸壁庇靜夕占流珠淒然橫涕泗

馳鈴入郡城道路歡如雷狗馬亦太平斯民復何猜侏

儒計安飽所志本不恢至此一寸心似能胞與該急攬
大布衣冒風登城臺江風夾海雲中有清氣來壓浪高
下山晴翠爲之開浩歌吾得今惜無流霞杯轉憐廢壘
多碍目猶蒿萊應有戰死魂倍切思歸哀仰睹義輪紅
一鑑澄八垓既埽自無翳得振可忘隕

蟻衆悲陸沈心魂頓驚有踦迎羣公與當關擁牛酒詎
殊失路孩牽裳得父母便以鞭笞加孰敢不悅受忍辱
俟再天民已苦疲守食藥兵刃叢五年血濡首原非肝
腑亡堂皇厠姦醜一徙梟獍巢居然鳳麟藪遙願羣公
肩代承 聖澤厚徒步親拊循淡感遍童叟賤子憐病

櫻獨歌匿深牖何當鼓櫂從登瀛覽清瀏

調友人三絕句

十年澤面學狂愁月怨雲歡徹底語梅子心酸蓮子苦
何如欖味有回甘

不隨墨墨尙蓬蓬汝自崇蘭我棄檇渾水鰭鯉宜困網
清流那有上鉤魚

野裸原無合例婚托身名教是天恩零鹽膽米侏儒飽
大腹將軍怨瘦豚

聽剡樵說殺虎

惡水夏竭崖壁瘦風刀製銑割雲袖野蒿蓋屋門不天

燐碧星紅碎光漏空烟窳宰倭鬼啼瓜園堞破逃羣雞
抽鎌急束短後衣飛身躡樹當牆梯虎睛熒熒射人面
虎尾垂篋直如箭勢將上縱故下蹲霹靂推空四蹄旋
抱鎌抵虎目無胸人虎存亡爭一線是時月黑干林昏
北斗插入虞淵根氣絲裊髮懸獨魂虎來攫人人格虎
虎爪人鎌密迎拒木葉低昂萬山舞投鎌中虎虎落膽
石斷沙飛吼聲慘下握虎頸血盈攬壯士不敢懦夫敢
眼中有虎白日猙手無寸鐵吾難攫惜渠李廣沒石箭
仰天但射黃毛鷹君不見將軍不慣騎牛行孩童指弱
能捉蠅

閏月十三日靜中舊館盆蘭一花開十三瓣胡

彬置酒招同人賞之並索詩

丙午閏五日十三磁斗蘭開十三瓣十三瓣花爲一花
匿夢烟心送春盼冰穀碎翦么鸞翎豆蔻年華人嫋婷
其心三點作心字仙胎朗抱銀河星主人解得此中味
瓊筵蒲桃招客醉風絲颭袂露痕香樹影流筵月華翠
空山窈眇纖莢青嬌以古曲宜鳳箏不含羅帳昏黃怨
別有笙歌絮白情大好銀屏今夕睡入褶湘紋蝶衣碎
明朝臨得玉版書來換甄妃九龍珮

與孫文學

廷璋

並示孫上舍

悅祖

暨朱文學

佩得

三十一韻

我昔未遇君先與君兄交

謂琴士繼尹

聞有弱冠弟關覽凌

羣髦但視兄卓奇知非人過褒鄰郡面易謀鄙願胸久
操意外君能來來適與我遭炯炯秋虹姿天雲軒之高
我意頗自雄爲君陪焉撓應使大地春黯色慚蓬蒿抑
我壯猶廢畏厠後生豪蕉陋膺濫名詎能君識逃矧得
應與劉左右森聯鑣一席羅衆奇誰復分鵲鵲不知何
善緣投漆盡如膠使我宛轉腸轆轤等所勞急敝庭東
楹拂拭檐螭蛸濯露江城嵐合束孤篁梢篁底三五鷺
靜翼糾纏牢照以苔光激綺謝花雲包軋軋清語聲冰

繭空機纈爲呼竈下童挈鉶沽鄰膠真性挾與流未容
禁醅醕我篋長物無尙有鷓鴣刀日夕愁露芒至此更
難韜委蒙君等愛幸弗譏狂騷天壤萬路寬勢獨窮吾
曹中原氣清曠坐看諸君翱弗忘禿羽驚伏病荆榛巢
杯酒屋漏中誓已千秋要千秋綿寸心古哲通蘭蓀而
況咫尺蹤不隔山川遙撒樽風雨來入夜聞颺颺浩歌
君子行壁影舒裳袍

古洞房曲

七寶流蘇燦洞房簾櫳翡翠帳鴛鴦碧天三五圓今夕
春夢溫柔隸此鄉緊露束燈花灩灩幽風汎瑟玉銷銷

搜羅萬國真儀采恩命西瑤拜壽觴

旱夏紀異詩五章

城草未及秋芸黃有枯色衆鳥投檐陰十病九彫翼壓
江田土焦百里照天赭居農勞旦心坐廢惜肢力官稅
姑緩籌先愁一家食煽議蒙五行風傳焰難熄本無盜
賊心似因天沴逼大路傾作河誰敢預防測通人理爲
憑古鑑雜胸臆踐履安諸常性完氣何蝕

亢陽激陰厲鬼盛神無權圻宇如鐵圍冥氣流毒祲壞
屋投餓鴟窳沼焚枯鱸畢方蒙楮衣土耗驅前旃娛娛
梟揚魂慘笑來狎烟卽非高明家觸履森矛鋌闢城伐

金鼓徹夜雷闐闐老稚百萬心破碎無一全
警惡聊代刑司命實惟天厭穰窮大難孰來拯其殄

巫咸不可繫蹙然憂中來奔雲等枯朽拉使城屋摧助
以萬木喧地竅噫之哀蛇龍起乘勢罔恤天蒙災壯士
按長劒淒心蕩無回目攝孤鶩飛未敢登危臺旦暮俟
廓清廣泯羣生猜忍言密室中枕席揚塵灰蚩尤雖善
兵軒皇治方恢且操葦炬明泚筆圖黃能

蟻矢工射人中人爛膚體凜焉夢鑿交索魄海淵底小
懲發面恭大誠遏心罪白晝鍵戶門起居越恒禮但求
身命安坐且聽飢餒隔巷同異鄉親朋不通屣遂有胠

篋流墨面改脣齒執挺隘路間駭人刼行李官守百術
窮懸書代安弭妖妄良有憑烏在索根始

龍門紀脂夜物紊成蠶端莘莘復縱縱蔓及吳楚間焚
灼白骨枯生人面含酸仰戴雖盛暘捫心如冽寒七年
困兵革勢已嗟大難金天方折弧赤青復爲患相期共
修警劑化使善完星雲爛景卿邪禳胡由干神鴉飛滿
郊日晡雨潛潛痛掃魃氣澄共奪飄魂還

爲湯

淮

題夢親圖

湯君少時以赴省試奔父喪歸
作此紀哀出以示予屬予題之

死別已可悲死不得送心益摧死不得送死爲父此恨
終身萬難補湯君補以圖欲畱死父生魂俱父魂在旁

君不見夢與魂通隔一線夢逢死父猶父生若父未老
君尙嬰夢牽父衣抱父膝夢有笑聲無淚血醒時有淚
無笑聲知父已死身獨生父死身生身亦死死裏畱生
餘一紙君父之貌髯而癯旁圖君貌清且腴君今亦癯
髯欲縞覽鏡應疑父顏肖願君保此軀千金以安生身
安死心死心爲魂生身魄以魄存魂兩無隔見父在夢
有醒時存父在心父有依君心無父何藉夢君心有父
夢益慟作圖紀夢心摧淒但求長夜雞無啼時時夢親
親不離

自題四明山采藥圖二章

躡夢空空到髮巔
洪荒日月自成年
悔爭微飽憑烟火
苦索新詩嬾石泉
善想早堅堪僕虎
俗緣漸謝願師仙
遙知一股潺湲水
灌滿徐鳬萬頃田

天門雷瘧劫狐逃
誅戮三姑仗寸刀
蛻夢入山誰戀魄
托靈在世抵吹毛
丹爐有藥鉛終僞
蟻翼非鵬想獨高
他日雲衢梯有進
挈提五嶽當兒曹

飲試劒閣醉後調主人吳國學

莫堯

大澤龍蛇息戰爭
蟻螻如雨掃薨薨
最高簾幕初停酒
落日蒼黃樹滿城

季子胸懷礪確成
人間萬事不糾縈
風雷抱得三天券

獨與鎔鋸結死盟

圍棋小劫感滄桑
醉裏恩仇醒後忘
何似刺船窮浩漫
蓬壺峰頂看龍驤

復莊詩問卷三十四

大梅山館集

鎮海姚燮某伯甫

夜坐抒感八章

露潔山城北斗高空風隱隱颭鴻毛飢寒逼迫中年邁
日月升沈萬象半救世膏肓思大藥代人歌哭續離騷
豈真食蛤關渠事裂眦無端起鬱陶

幾見顛風殺草萊人間築遍赧王臺絕無歸宿長河下
少有腥羶衆蟻來白眼誰禁狂阮辱赭衣空使腐還哀
犖麋雖醜猶完相可惜陳平魏倩材

官簿難憑殿最公有誰負鼎慕而翁賈山蒙死心猶壯

項籍歸骸計亦窮苦慮春笛書雨霑善防謔浪賦終風
憐伊白首官郎署祗借薇花拂帽紅

漫以鷗鳥笑鳳皇野禽彈矣復誰傷訢訢對客羞鄉愿
侈侈依人惡嬖粧籌米幾聞先慮豫積薪須畏後來強
朱華一例歸朝殞那有韓終辟穀方

躊躇林闕祭燭膏蕭赤足靈蘗隔荔招女魃無權何待戮
天吳有職未應驕星淫石沴逃祥寓棘矢桃弧反大招
慘響不須愁觴策巫陽能擬太平簫

筵版絃牀客夜娛已拚病骨殉明珠入樽好月無千劫
繚袖輕雲剩六銖醉逐狂花搜燕燕夢辜殘柳聽烏烏

試看百萬西京邸，鍛盡鴛鴦磔氣枯。

浩落襟懷蕩水雲，天聲琴滿鶴思羣。得名仗蜨羞無逸，
借壁爲山慕少文。棄劒石磨深夜雨，佳人蘭餌早秋薰。
敢輸鄰叟平悲樂，一勺醇醪萬古醺。

燈烟曳竹作綃紅，小簾安樽自聽蟲。骨相苦寒逢熱夜，
心魂欲逝得回風。放刀擬拜屠牛佛，弄筆難收汗馬功。
信爾無愁談故事，隔庭兒女笑迷濛。

索包楷作師古圖

近學已亡古，吾嗟見牖今。要君追面目，

索其圖司馬子長鄭康成韓昌

黎等十四人
置余像其側

懸座當砭鍼，一代願存我。千秋不外心，但

復莊詩問

卷三十四

二

大梅山館集

無忠孝樹老死亦書蟬

何文學

岳齡

索題甬江對月圖卽送其還海昌並

寄懷黃孝廉

憲清

五十韻

越東火繖張天海
赭一抹田有乾雲
聲會無半蛙聒崢
嶸林壑枯撐拒萬
心喝龜坼井底泥
閭五到六月嗟予
病吻燥瘦甚不勝
葛每見文叔來得
使脩暫豁文叔西
越人抱秋內冲謚
手揉八素瓊鍊爲
七尺骨讀書栖郡
齋旅况苦膠瑟出
門鮮所羣於我獨
親暱示我行看子
春縑拓青雪百丈
沈蟾蜍明流閃之
折君手琉璃鍾永
氣酒心凸樓角櫻
桃花幺翠靜相嫖
鬱金微颺香繚爾

醉眼纔誰知蒼莽中夜愁曠與絕屈平賦九章其韻多
菀結孤竹琅玕蜨吾能辨堅節邇來六邑民袖臂謝畊
翦抱錢搜沈泉但沃牛背裂稽首訴乖龍罔乞兩仙血
可憐號哭乾塞耳到列缺矧乃陰戰陽天戾橫妖蠱平
地浮訛言鬼符讓門揆毒蠱欺睡魂莫憑巫呪譎顛倒
作息恒懸書畏窮詰未習焦京書理難五行挾此事君
見聞言媿我辭劣悵惘增憂虞吟已一月輟晡日翼塵
雲君來過蓬室對影同涸鮒有颺氣炎歊謂將抱襦歸
索詩慰飢渴君志托淪漣吾意隱鬼窟似來山鬼癡含
睇崇吾筆安有銅琶謠爲君寫清越明朝七月朔秋意

動烟樾六合晚陰繁城野東忘聞急瀉傾大盆簷溜走
突窰膏彼垂死心一一轉燭活作厲九土祇藉茲散沈
悶逆知行者懷嚮亦等薰被初紅蓉欲華舊綠草重枿
斯時錢清江涼翠四嵐潑菱女划畫艇芳期感荷歇嬌
爾白衿單擁書悅晨發惜我踟躕下疾身擬剗剗罔隨
驚霄鴻試翮向寥泬歸見黃涪翁卽此示顛末荒渚羣
亂星落葉浩蓬勃須念窮居人疎燈聽鴉鳴

按曲圖爲孫上舍

悅祖題

盡樓十萬春烟濃斷釵零黛無小紅銀箏濫譜不堪聽
杜牧情如阮籍窮誰家闌杆六曲好簾底香深倚窈窕

綠啼穿梧鳳子纖青衫颭竹鶯兒老鶯兒鳳子秋心多
暮雨桃花吹夢過曉苔膩席湘妃瑟夕露飄星織女河
孫郎對酒顏微酡不唱秋娘金縷歌不歌明月前溪曲
醉倚簾睂護涼燭燭光翦翠一帶梧簾影篩波幾竿竹
未愁霜緊鷺魂消但愁葉落蟬鬢彫曲邊天遠江山碧
何處松陵十四橋

秋曉

略得脩雲映薄衣偶看佳鳥拍涼暉荒階有僕遷延掃
落葉無風自在飛漸屏榮華歸老境要知明日足清機
趁他犬臥無來客靜養詩心捉麈揮

哭吳上舍

經治

二章

脫略生平使酒狂，難窺暗腑鬱秋霜。
盈門狗彘隨金散，繞砌芝蘭帶雨荒。
頗媿仲儒勞弟畜，本非叔夜竟憂亡。
劒鋒蝕盡延平氣，多少恩讐願未償。

未警寒風骨竟寒，待乾黃土酒先乾。
生持門戶愁孤立，死托親朋信大難。
夢尾燈烟搖墮葉，樓心琴語送流湍。
諸郎強拭麻衣淚，恐使深堂白髮看。

嘉有司者祭兵殤之鬼得三五絕

祆氣盪使除祥風，和以舒生民都受澤。
無病得安居，所費惟楮錢能釋萬鬼慮。
黃泉需旅資，各自好歸去。

棄骨雖久枯雨露濡其魂相卹逢好官孰非 天子恩

旱後淫雨二章

天意百顛倒名自頑民心亢陽偶得雨一雨成淫霖太
息萬頃田接望江湖深稻如人久飢過飽安能任城闕
浮大荒雲黯無寸岑原上白骨焦近復嗟漂沈狂葉爭
鳥飛攪我愁難禁道路殊笑啼相對學緘瘖腐儒日三
食仗人匪始今勢無人失衣我猶完其襟

我生不習農餓死亦誰怨歎其作息勞未應受顛困風
斜難揭雲霉氣塞空悶赫赫炙土暘並難求一寸豈緣
早魃驕轉觸雨仙忿待拯萬命危適迫萬命殉在宥使

失和皇天實憂患胡彼多負恩居心倖災亂倉皇十日
中米價日騰奮尙容糠粃安非材塊非分

題畢明府

承昭

蛟門望海圖

大旦收暮光乾坤衆彙霽蛟魚生托天各有相得意東
南近遭亂陰火沃焦沸斥石青筍剗民立苦無地溟渤
雖濫浮 皇仁隱鈐制不聞乖龍驕敢陵媯姒世我侯
山左來濟溺挾全具披疑挾要害劃險洞形勢飾政求
免嘲頗嗟吏道廢候心如鏡懸亭亭包八裔微眼方壺
紅芙蓉一卷髻釜底珊瑚霞鬱蒸太平氣蟄蟻出土封
黔首悅陽戴分煦及犴囚痛掃積年翳各譜甘棠篇上

握名南治而侯張弛閒靜故不驚事茲圖小邊幅能括
諸詭異凜乎握寸冰懼成夏日畏長竿懸直鉤不釣名
與利天吳貼首馴各各免猜忌邑宰草芥臣相命貴惟
帝孰謂凋瘵中竟難求茂卓遂龔惟我蓬華居仄若鼃
處隧挂壁琴澀絃時邀古薰被作詩報我侯詞鈍理弗
昧相木知氣華飲醪易神醉恍乘金嶺峯手攬上仙袂
皎然鬚眉激攝受萬頃翠

夜坐

一尺庭階拭露茸橫安小几倚當筇天空欲化茫茫海
雲去真如渺渺峯秋思自撩難怨月笛聲已斷未停蛩

深閨別有篝燈課預檢寒衣數上綫縫

讀書偶得示妹登陳文學

繼撈

五章

喜怒當猝投每露心機深以此衡古人虛寂皆聞音積
書同名山安能遍攀尋須從五岳高舉提求全襟瑣瑣
鄙夫作冒古終賊今任其筆有權將來世無琴

飛葉狂四天吾嗟借風勢當其勢未平誰敢戢橫厲萬
理歸本根花實盡蒙翳蒼松不媚春乃不受秋制吾生
名廁儒所學已微細何復累諸妄而使心受蔽

寄想偶述作罔非閑歷言集絲成一機絲絲各有端千
人皆被衣不究衣之原但云粗者綌精者爲羅紉一物

衆所競真誠求尙難或復衆棄之詎卽蒨與菅

此言吾實狂亦未免于拙愚者聞未知智者聽不屑生
性無諱藏終難捫吾舌笑彼伎險人違心競流別門戶
似顯防制度實陰竊牛搜難作醕鼠璞幾爲珉

愬焉念吾子才敏勤讀書相逢析疑義往往能起予世
道紛百歧定足觀其初志滿健卒班誰當帥之渠豐年
裕佳稻築倉正堪儲旣富亦弗驕深藏宜若虛

置酒

置酒簾陰坐覺單沸來蟋蟀似流湍風尖月瘦秋溟老
竹密苔深夜氣酸感到無心琴一撫醉疑上頰鏡重看

孤燈易炷宵難盡不怨宵長怨被寒

重陽

插帽黃花滿供人笑口開頻年淒雨夢此日故園杯得
酒閒須醉吾親健未衰登高何處便思只有城臺

檢舊篋得先大父遺詩卷

遺書多散盡畱此劫餘灰偶得殊狂喜沈思轉痛哀吾
生資隱德守業望將來風雨寒燈夢何從索夜臺

題孫丈

慶琛

桐江春泛圖

平漪靜綠涵遠岑如我丈人深秀心一十八峯繞迤邐
但聞鳥響無猿吟春烟四羃玉簾沈春颺融融吹薄衿

蘿屏夜挂戴山月松露晨濯巖瀨衾青溪樓臺天末陰
桐君招手嘉樹林一鷺明光獨搖竿萬篁暗氣能澀琴
周禺許邁各千古仙蹤文采遙追尋醉眠蕙雨漁榔晚
東睦山川空古今

送王明府

有齡

入都卽題其慈湖種花圖

天欲栽培民氣厚暗假春風入君手春風縈迴桃柳枝
如君顏色民見怡吾郡頻年苦兵亂疲弱愁逢辣手斷
便得河陽百里才難及當時見功半枯灰元氣云漸蘇
爛額焦頭尙無算是當喚咻撫卹之子得父母身乃依
嚴霜四埜日照室煖體何必裘與衣君來慈谿作賢宰

道路隆隆口碑在無端草木亦承膏寂郭風烟發精采
物猶如此人可知此理奚煩費詞解涼飈九月山城秋
碧天高靜鴻不流君將奉檄走京洛旌車駕矣民難畱
君雖不畱民意繫靜待陽和轉初地陽和二月多好鶯
君來置酒民同聽我題君圖送君別聊爲君民寫心結
莫將翦敗憂後時此民共讀甘棠詩

看雲

著書欣有食因我識農心稍爽得秋氣攬烟疑綠侵暗
籬甍賸菊斜巷側孤禽遠灑當千里看雲吾振襟

憤述六章

中路無歸感式微却橫江霧揜陽晞坐鞭窮戶千牛瘦
走參通侯五馬肥操曰已忘新婦態當鋒誰解小郎圍
願渠早悟浮萍命莫作狂花歷亂飛

穹廬擬捷霍嫖姚虎落塗肝事孰料慎改臣門盟白水
痛懲市法竊青苗心殘忍立杯羹約義斷愁聞尺布謠
未雨各深營屋慮拮据大半類鴟鵂

自有神荼鬻大魃無端澤鯉奮長鬚文君毀節慚賢婦
德祖輕身作寄兒浪向鴻門投露布密從鮫室貨冰絲
何當翦伐枯楊去一種南州蔽芾枝

頗傳簿責慎鉤籍銅虎森森令甲嚴竟恃太平容鼠盜

還援少有飾雞廉流黃易褪纏頭錦潔白終輸刮骨鹽
山石巖巖原衆著詎因瓜李動嫌疑

金風橫漢夜颼颼耳聽哀蛩遍野號欲界揮魔求慧劍
獻堂賣罪仗錢刀彌天已怨銅山臭徹地難瞞玉鏡高
扼險盪夷須有術待師鬼谷習龍韜

難追張使貫河植漫豔潘生擲果車懸肘醫方宗扁鵲
攻心陣法奪長蛇狂泉苦醉逡巡酒急雨甘飄頃刻花
笑我書空徒咄咄祇將幽憤寄鏤鈇

甬江夜發

減裝防久客相水耐長年有累關寒餓飄魂縱海天大

江浮月去窄被裏風眠明日蛟關隘千牛挽獨船

定海旅中雜述七章

荒若無人居曉霏靜諸屋老樹眠泥塘鳥聲似兒哭亂

草經燒

去

餘努力守微緣平海寒不潮接岸凝黃濁地

境臨至寬氣嚴轉拘束略動檣旗風雲態便舒目安得
千億心盡與散煩蹙

昨雨南郊田收割頗見豐尋常得此年差可劑地窮邇
來困夷役三年不親農積篋妻孥衣多爲易米空托土
望太平未敢起邪衷誰謂天難澄命將緘辱終更事有
端始塞甚理宜通願爾千倉箱常此占芄芄

莫嫌市物貴具備已云難流輸乏遠商終慮門壁單壓
城數萬家人烟相簇攢不知何術存經變仍能完側耳
聽路議亦或呼苦艱當較宿昔危實操分外安矧聞賑
撫吏立法有緒端行看困澤鴻重整狎霄翰

再造誰之恩令其婦子保怨論出不經斯人直蠻獠人
鬼爭一塵亂民鮮壽考但恐此土清末許塗穢腦天心
有至仁不偏骨枯槁庶幾邱墓安各得子孫掃抱城十
里沙明年看春草方知蓬勃機罔不藉明昊

斷戍飄一旗衆壘猶屯兵強從灰燼餘存此廵守名頗
聞窮島間聚盜紛螭蠅海商苦微賤勢難官軍爭雖遇

順利風不敢孤榜行在岸縱安貼在水未救平圖蔓當
及初弗使釀憂成

置酒城南樓倏有東來風暄和疑早春但無桃花紅孤
燕猶未歸側影似余從僻地逢好時我趣爾應同午陽
懸至正浩蕩無不充鄙想絕外猜未醉已融融況此樽
中漿具擅熙皞功

窮居正愁寂良友日益多雖非素識人亦肯顧我過朝
賁市壚酒暮聽倡女歌在病神頗疲寡恨顏常酡雖難
免事廢藉以養情和安念數月前此陸猶狂波天鳥自
在飛亦知境無羅斜暉將薄山各各還林柯

城南柳三章

城南柳枝風蕩搖葉無多翠苦成嬌斜陽終古不離怨
晚鴉一行飛過橋誰此閉門秋黯黯看吾側帽鬢蕭蕭
海天不是江都麗那有紫雲橫玉簫

玉簫宜月舞宜花秋病懼人只夢家不道西風入衰暮
尙牽芳緒怨天涯杜鵑樂府金縷曲宮鏡春睂張麗華
消得弱魂折不得黛峯一捻照鬢髭

如此鬢髭亦可憐苦辭涼雨要微烟昏黃不耐酒初醒
輕薄怨渠人少年佳日茫茫吹盡絮空樽寂寂怕聞鶉
畫樓三百秋鶯巷解種芙蓉嬌錦鶉

夜雨坐雙髻山館

不須多酌已微醒
卷束書箋放短檠
潔屋禪天無一滓
荒墀秋木有千聲
勞生齷齪今安趾
大覺元虛外世情
自整茶爐添楫楸
水香烟氣得苔清

此惟二章

瘞盲一此惟
姤然曳其袖
淺之爲丈夫
奚供牛馬走
惜無夷堅徒
刻畫到膚腠
東海瀾未清
三年逐遺臭
安得鶴脰長
斷之續鳧脰
所以衛玠車
不入僭耳陋

心非秋幹堅
目作玉澤揚
豪奴馮子都
道路慕奇光
太公屠牛傭
伊尹亦要湯
眇爾擁魑結
安覩天王裳
不爲

君子子夫夫良可傷
眇伺中道間竦體徒皇皇

過東岡廢院喜晤僧

仁祥

話舊慨然有贈得五十

四韻

名山鹿王宅一髮餘破窠不如巖根松安然鴟結巢墮
身窮作僧有才難世驕廣長銳譚舌祇與暝猿饒十年
種梅花九年愁雪彫人壽春風中心氣落葉飄而師香
臺禪手縛雲根牢犄角海柱孤拄月青天高決水沼槐
安蠕蠕萬蟲逃出林獨磬聲不鎮千笳囂菩薩低長睂
但聽雷音潮恒洑億億劫此劫猶微毛師苟入劫亡亡
亦蜉與螻雖運金剛臂破戒罔資刀爲投蠅拂青結束

袈裟包障面奪劒門踏葦衝龍灣人間一撒手仙鬼並
難料明珠沈九淵百計艱尋撈師實持定心剛柔兩無
撓苦行嚼爛蔬息鉢荒厓茅慧眼燭下方白骨纏枯蒿
使爾寸腑慈鬱之生悲號三載憐剎那淚竭皆爲焦琅
然散玉屑觸耳知祥飈疾卷蚩尤旗復喜太平遭歸山
投舊龕積瓦供牛窳視主轉疑客逐吠犬咬咬幸畱半
席牀率意安團瓢兩廡青蓮臺棄肉堆腥臊掃除不見
功薰滌久始消祇今復三載約略治平櫓掠譬諸農業
田種禾僅分苗天人遞因革色相皆電泡詎擁琉璃階
遂致文殊豪且拓南牖虛面海延清颺沙嘴一握峯古

黛青削瑤遠移金庭梁卓樹蓬壺標偃仰城闔松拱若
神靈朝戢戢下泛鷗盤盤上飛鵬澹日浮作羅亂烟散
成條師憂耳目馳東隅坐甘膠奈何吾見聞聽其逝謬
謬繫昔處同邑臭味親蘭交離合廿七年曾不轉瞬遙
每每慕師逸憤憤怨我勞烏防元關深同田天魔塵津
在筏有歸師悴吾宜憔悴病毀慚維摩末由制煩叟嗟鳴
乏安處梁燕來詠嘲慕師一稜蔬堪養冰姿姣知足乃
無辱頑靈均犁犂要難七竅全遂破乾坤胞分袂別師
去漫殷後期邀長風襟帶間萬里橫滔滔

過胡文學

止三

別舍

夕陽幽徑散雞豚小結籬樊似孟村嵐翠浮窻新硯潯
海雲覆屋大槐尊羞從濁世稱公子難得通儒出將門
裘馬翩翩遊俠輩亂餘知有幾人存

信宿北墅卽事十一章

竹氣深畱屋山光亂入扉掃苔安畫硯貼瀑卸琴衣佇
送斜陽去閒看晚燕飛松枝吹艾納靜挹得霏微
涼烟媚玉柯香露上身多解得小紅怨曾無太白歌捻
花聽蟋蟀數石面陂陀自惜青鞵軟牆陰避露莎

叢桂小山意清流大澤心獨姿明瘦菊交語妥纖禽野
屐閒廊過春樽墮夢尋歸裝須不促好日耐登臨

獨倚蘿心閣平看雙髻峯白浮天界霧青入海門松瑤
想真仙步烟聲隱士春輸他飛雁疾拂過玉芙蓉

牡丹三十本么鳳有春巢

么鳳巢種牡丹處
爲聖中十景之一

桐色攬鮮

翠霜華凍暗苞簾疏雲自漏磴仄月微凹料想漸裙節
啼鶯慣笛清

微雨海棠院深叢翡翠啼澹黃吹葉亂紫綠束闌低衆
卉供憐嬌孤懷與怨淒待絃湘女瑟弄曲慰幽栖

寂寂藤陰露能浮枕氣香背燈出河漢汎夢抵瀟湘起
翠重簾下差禁病骨涼隔庭天海闊遙夜正鴻翔

飯罷花延坐吟餘草學刪迴巖資匠巧寬圃借農閒地

得烟雲邃天完木石頑幸拋城市役莫任酒杯慳

奚奴擔榼過賭醉遞開筵靜酌通蘭思狂吟警鶴眠感
深天寶話袂集永和賢酒戶吾慚窄尋詩聳瘦肩

靡蕪香欲斷我復弔王孫但與畱閒蝶誰憐揜鳥痕亂
離胡馬淚飄泊蜀鵲魂尙有名園屬滄桑未忍論

便畱千日住捲襪總須歸複步尋餘景遲行戀夕暉鹿
盟當後踐山侶暫今違欸欸雲相送綿綿意莫揮

趙文學

裕熙

招飲席上有懷武

洵

宋修

二章

十月山川苦不妍深堂屬酒晚高鶯無多芳草可憐雨
相望故人天末船去歲風波同矮榻環燈啼笑雜鳴絃

遙知大葉空庭樹低影茶廊掃暮烟

暮烟空闊海山涼晚稻新屯碌碠場酒竈定叅彭澤秘
詩壇可憶杜陵狂風雲千古無畱夢瀕洞平生感客觴
眼底蕙蘭爭葺佩吾愁隔指復參商

過普慈寺二章

萬竹不分葉蕩風爲漣漪白雲閉僧語青露影佛衣幽
絕無畱埃靜久始知非拔葵蟲滿場啄苔鳥當扉覽物
不遺瑣息念暫忘疲一絲茶寮烟裊與磬聲飛

虛閣敞明牖隔城山窺人高蟬不畏涼盡意畱斜暝天
海方浩秋孤子愁我身衣薄難受風心近恐爲雲龍象

絕傍依離劫自完存默受孟水供坐對芙蓉醺

過亡友厲山人

志故居

出愁兵革入愁荒杖履閒居願未償名重市傭羣拭涕
風淒瓦草但吹霜種花籬落無還夢乞食妻孥尙異鄉
賤子年來琴拇澀寒流拾蔭怨零香

空庭

空庭微雨過老蘚綠都生茗熟烟猶凍雲低葉轉明翻
書徵宿義理瑟遣孤情隔幕疏桐籟泠然拂鳥聲

高樓

明月滿山川高樓送急絃好花能媚夜孤客又當筵秋

已天涯老人徒短鬢憐誰知沙岸柳近夕有栖鵲

走廨篇當棗下何纂纂

昔隸走廨班藍襖襟無完舂帚圉圍牆墨面除矢管今
乘薄笨車出入公府門公府迎下階並坐稱弟昆文履
何橐橐高冠何軒軒游蠶自爲目竦鳶自爲肩狐鍊蠱
嬭工虺竊張弛權居然列縉紳閭屋華檐楊明璫雙姣
童抱解趨玳筵按簿稽宅田餘畜千金錢金錢民脂膏
田宅公家捐一朝爲若有道路皆流涎道路怵迫徒趨
踰恐難前或苦身勢微敢憤未敢言朝薜學女蘿上欲
松柏纏黃雀不值庖乃復同鷹鷂豈真天地仁不於垢

腐偏假可名器輕心使志士寒野燒無久煬善自戢其
奸縛骸驅黔驢何炫珊瑚鞭

登城南當臨高臺

槭槭木葉飛攪亂四山暉飲血平曾劒短矜射虎衣壯
懷深酒識未計盛時違若豈種瓜客埋名謝是非

施明經

其熊

招飲卽席有贈

愁聽殘蟀語荒菅添燕明燈照酒顏共苦干戈催白髮
幾勞風雨夢青山挽衣似喜吾身在話舊難爲此夕閒
屈指故人都宿草眼前尙有茂先孱

謂金廣文
丈士奎

過方河里憶舊時曲社

歡場一散不易聚誰肯晴天料風雨佳人一老不再妍
睂黛能畱幾春嫵昔時來住西風帆泥聽清歌遂久淹
小紅庭院黃華局慘綠兒郎白紵衫酒半停筇開翠簾
兩頭月子橫柳尖柳背殘蛙狎水語箏心么鳳生雲嫌
我醉制情頗自嚴如斯良夜終難堪投樽竟欲痛淚下
觸袖便有奇香黏年華恐逝輸金買意氣爭豪忍病航
只今十年不過此獨樹重門認猶是斷釵零烏埋古塵
小石疎闌換誰氏拂頭斜日烏鴉飛決背空天白雲駛
傳聞俊侶無一存半苦飢亡半兵死近吾清齋謝羅綺
蕭瑟襟懷托禪被敢憐墮夢有高楼轉魄他鄉猶蕩子

翦燈絮語借泉畱葬玉青山隔城指秋懷感觸誰喻知
秋影都殘烟蓼枝僅餘白髮何哉在
謂邵翁某嘗在社中司笛者年近八十
寄食平康作教師

遲眠三章卽示金上舍

學純

風狎疎紙襦涼篝滅還燃獨坐淒有思待眠猶遲眠昔
來御輕袷今可增重棉凍久無書來骨弱愁化烟遙知
瘦妾病停杼懷遠天天高海空闊知我身誰邊恐爾對
殘菊霜粟霏凍鈿丈夫好出門白髮易生顛有夢不得
歸得歸亦懸懸昨夢江城花花下多啼鵲

啼鵲亦非鵲似出吾廬中切切高堂心夜夜愁朔風視

米儲不多歸養計亦窮熟知安身歸未責囊橐空叩釜
嗟斷炊聚首終奚功開花當天寒有色亦不紅矧此砂
礫驕慣欺秋原蓬秋原蓬飄飄秋山棘茸茸秋燕得寄
梁已勝銜蘆鴻鴻飛爾冥冥燕語方喁喁

喁喁無樂聲頗邀主人諒分力勞拮据沈心苦謀創慰
寂頻開樽勸飲恐不暢坐羈重帷周愁我聽風浪頓使
凜冽中挾有數重續續厚任已難意厚更安償孤峭寒
擇枝何幸得闌傍酒深深不清中有淚痕蕩此淚關平
生生能幾回當知我者鮑君慨然千載上

贈舒司馬

恭受

四十韻

公實死後生未雪道路謗據跡求是非輿論幾聞當海
甸今太平東南掃烟瘴握劍抒舊懷蒼茫集孤愴惟吾
素識公辨品愜尊尙杻心切露濡駢首勇雲向十年官
句甬遠鑑納昭亮克敏事無僨鮮越治奚妨迨遭兵火
危沿海警剽掠潯州一彈丸孤絕勢難防守土責在公
枕刃百裁量咄嗟名位卑計議未容撓但秉大帥符遵
循學槽傍一朝決裂成六日殤三將巨泚身擬沈烈火
髮先煬讀書明大端忠義詎艱仗羣手咸痿痺安能獨
扶障痛眄左右林鷹隼盡逃颺城亡誓與亡酖酒夙所
醜含笑如飲飴羈魂聽波蕩膏豈受辱塗藥殊輕死仰

精靈全所歸歸骸亦非望苦因一息畱拯救受民誑轉
以相愛深陷使公抱枉叶維時民護公胝跣走窮曠尙
從危命餘保全萬金餉後來定功罪爰書多孟浪待戮
囹圄中泣拜聖明貺益令無知民猜度起辭讓積泥
高過山竟欲太山葬鑒罪獲宥生敎霧出青嶂拭頂重
戴天煦復挾綿纊每撫齒髮存深恩泣未償敢於身
外名凜凜競得喪公年長我多例居丈人行夙蒙嘘拂
加冰懷匿春盎惜公委曲情於俗難遍狀作詩聊贈公
弗貶小子妄詩成燒巨燈置酒助神王隔幔銅琶聲金
觴挾悲壯

金上舍貽西洋玫瑰露荔枝酒酬以詩

露清如水膩春蔥酒色蕉花汎嫩紅敢道兼金珍異品
愧無長物報深衷菱廊酌月誰烹蛤桃葉調鉛正倚櫳
低首轉憐吾骨俗祗宜嘗榮坐秋風

北郊作三章

坦石橫河壩憇坐開勞襟撫竹無釣絲安測水淺深水
西平迤岡亂草積成陰旣鮮樵採過當有嘉樹林蒼然
暮靄中流出淒鳥音淒鳥如我孤我亦孤自吟佳人素
所眷遠在梅福岑爲念天海空夢弱何由尋

木葉彫已殘朔風爾毋勁况予心多愁未堪役繁聽感

物徒悔勞持理稍資定乾坤有萬遷元氣挾全勝脫然
釋我懷耳目返虛孕疾捲天關雲不滓海光淨寂日供
嚮遊吾還鼓佳興行隨覓橡童紆迴度松磴

本無成見存信步隨往還有梁且踰澗得徑聊入山山
人好筋骨氣候似忘寒灌芋沙田旁足赤衣裳單遞行
及高阜俯見城如丸比屋方晚炊日氣烟相攢孤塔何
自驕與山爭巔岼忽盪空鐘聲散我愁漫漫

十一月八夕妓筵醉歌畱別劉大鎬朱懋寧曾廷

熾
諸文學暨錢鈞金學純兩上舍

荒林蕭槭瘦鴉語新月含顰愁暮雨未防一寸羈人心

揉滿空天作雲絮時逾十月寒已深家山入夢無碧岑
水氣當衾海浮郭燭華暈霜吹襟諸君傳酒爲我斟
便苦力弱終當任感君心跡照白日使我陌路輕黃金
明朝飛雁東南沈瓠巴在座猶可琴一彈再撫手指亂
夾雜宮商不成段佳人按節敲玉釵釵不斷時腸已斷
苦無楊柳牽暗春那得芙蓉慰清怨諸君不須怨佳人
還弗悲我亦不敢雙淚垂譬如同此天地不相見而子
於我知爲誰男兒不爲無根之萍任飄泊海枯石爛終
當歸深宵深意合深酌不爭痛飲將奚爲

十三夕諸君重餞妓筵醉後再作長歌

百年不爭一筵短心近何愁萬山遠潮平帆挂人欲離
霜紫天高月將滿昨筵餞我城南家女牆三更多悽鴉
含啼試袖蝶粉濕翦燭開門蘿葉斜今夕高樓控溟渤
明巒如荷嬌空闊沙風笛底吹黃蕩雲影樽前墮蒼鶴
羈身在客難自豪慨歎當歌那能遏歡歌已使心不畱
還作愁歌暗挑撥諸君愛我如愛心常恐過勞難自任
又恐一逸易馳逝便欲置我腔中深百迴顧惜到今夕
我負諸君頓言別明知蘭約春可期已使桃根淚同咽
淚亦不得止歌亦未肯闌北斗欲沒霜柝殘檣烏啞啞
催出關寸腑茫茫復何有爲君更盡一杯酒勞君拔贈

插髮花算折旗亭可憐柳

同徐文學

延濟

月夜步海口舊戰場作歌

壘壁當關蘚淒綠野狸獨窺空樹腹三更明霜作雪明
高壓城門低壓屋城門斷旗搖斷笳屋無人住無烏鴉
烏飢自啄海邊骨笳短能激風巾沙風吹雲頭星破碎
月穿海脊山昏斜亂礫暗走警剽弩叢荆忽白疑蘆花
恍聞故鬼新鬼語千里萬里不見家將軍昔駐碑礪車
畫鼓中營援臂搥揭竿待刃月低首搶岸擬沈車紐
五干校士一坑陷蠶雨泊血尸如麻賊酋錦袜頭蒙幪
拆營造閣同浮閣琉燈四檐碧光轉萬燐影裏懸荷茄

復莊詩問

卷三十四

三 大梅山館集

長柄九曲金琵琶鹿姑肉袒歌呀呀呀一聲萬燐黯
烟底殤魂飄冉冉賣酒樓臺死氣多擁豔山川生色減
渚栖覓宅青雁悲野哭尋墳白楊慘市舸危檣天不遮
羈士薄衿淚難掩今我與客惟兩人形依影接忘主賓
此地何地夕何夕何時得曉何年春殘燧方收吉祥島
流觴誰葬十六門祭亡越國無尊俎招夢徐州有子孫
我歌摧惻愁汙渾客亦聽之悽心魂却羞我輩逃兵劫
枉戴高乾履厚坤

四更月落徐君送余下船

月落萬山低潮來風益淒斷沙明荻雁大野語霜雞握

手當寥闊投心入竊迷借歌渭城曲抵得白銅蹄

還家二章

西風吹葉去風轉復吹還入世惟長缺孤心有亂山親
拏身命賤道路友朋艱安得充厨粟一年供閉關

生愁春未轉身已屬他鄉持待百年老能餘幾寸腸關
河根宿命文字代飢糧歸且沽鄰酒醉眠差自強

寒夜校陳文學

繼聰

庚壬文編感書卷後

月定江水浮江嵐凍千頃漸隕高天霜危枝一鳥醒吾
弱難禦塞關門苦宵永坐按陳生文新容發神興繫昔
庚壬交烽霾寒溼溼割毒鮮上醫危城類懸癭官將艱

復莊詩問

卷三十四

三

大梅山館集

自全黔黎命何請遂多迂闊儒獻策冀援拯生獨明事
機著書謝希幸壯欲劉險巫淒如奏哀郢果見昆岡炎
石劫玉同併可憐生從兄畢志殉督井余妹彛繼援之
兄瘦人文學繼
序以護母出城遇夷遭辱不屈
死之生之從兄也文中獨無傳
耿何不特筆書揭與日月竝或因言未忍格格阻悲哽
揜卷糾我思抒我歎聲猛斯時夜已中獨屋萬喧靜疑
有殤國魂閃衣亂燈影

再書文編後卽贈陳文學

掌坦未容抵舌紉難自伸廁我飲啄儔豈真無知民毫
芒鑒蟲蟻障翳辭烟雲拭淚孤枕旁天實聞悲呻苦思

瀝我肝防遭路人。嗔草野無董狐。公理憂淪湮陳生具。
同感冷背搜荆榛。別白長短書驅率。東郭貌駛筆如劒。
鋒耀燭青岩。嶙九地沈魄幽。赤手扶使振。參之賈山議。
據要窺其津。縱非禹餘糧。亦堪饋所貧。惜哉鼃語鼻。響
未通。重闔砭痛雖切膚。終誰憐爾斷。徒與無脊兒唾。
面譏越倫好。建重壁樓弄此一握珉。但操萬古顯奚庸。
一時申呵護。俟采風當弗刼。諸塵方茲。聖治昭海甸。
嬉同春抱續遊煦。中命已逃險屯。與君共天日高蔭資。
大椿我老不足爲。讀書慚負身。便許常飯芝。亦是空山
麋習史圖贊。皇羨爾膺茂辰勉。以積胸靈吐作祥雯。
復莊詩問

新

題周公子開屠狗圖

君不手縛師子爲大雄又不短衣射虎深山中君不屑
低頭屈膝下作號寒蟲又不能行雲施雨上隨天門龍
一刀在手三尺短此身於世君何從此身在世刀在手
亂蓬拂肩柳生肘蹭蹬十年餓八口自歎蹢躅逐牛後
牛後旣苦逐雞口難自爲意氣日佛名日卑側目而睨
旁知誰側目而睨沙口謂驕也惟廉夷也盜睚眦之仇
必思報人如其人暴易暴我昨入市攜零星羊肥豕胖
魚鰕腥誰家驚犬蒼毛獐流涎掉尾從我行歸來鬻煮

飫之骨守我門戶巡我更我將參之畜之愛惜之不暇
而何爲乎水炮火烙戕其生樊噲豈是英雄身灌夫肆
罵猶殺人願君低頭俯首師我韓王孫否則朝酣暮醉
效彼劉伯倫倘更讀書擊節閉門學子隱何至甯戚以
賤爲役嗟沈淪君今作此鋒芒淬厲難摸捫必使眼前
之子盡君讐怨無君恩君亦思舌鎗唇劍之利四森布
闕君子門俟君路嗟哉可危吁可怖曷不和平養其度
憤無益已徒傷時此圖爲君摧燒之君如迂我疑我辭
君不見百里之妻烹伏雌王家夫婦泣牛衣

送人之維揚

玉梅初花倚燈暖折插君裝一枝短此花能爲十日開
可送君行千里遠大江越角連吳頭殘年風雪青棠舟
笛底君心托離雁樽邊吾夢隨飄鷗西陵驛樓畫笳語
北固山城暮鐘雨天寒沙凍無蘭杜曾我詩懷墮清苦
君今別我還索詩君已欲去吾何辭深春隋苑多烟月
莫攬楊花惹鬢絲

冬夜獨酌二章

瀏然古天碧深春在吾杯深心落杯底萬事吾何猜殘
燈發靜輝橫晒山翠開此翠山非山素壁明凍苔屋楞
啼鳥聲聽之忘其哀似於畫柳叢夢招黃鸝來持我清

明躬未使就昏顏
明月城南谿日昨已橫梅
歲寒得靜居敢言吾遇第
大江多客船朔雪近愁風
冥冥六合飛天地無停鴻
我先羣鴻歸托根偶忘蓬
壺壺再斟酌身委何畱
哀隔屋書聲孤能辟霜烟
空霜烟萬里橫斗室春融
融靜者聊倚琴愁人自聞
鐘

水仙花四章

不邀羣卉鬪丰昌
曖曖輕雲護晚廓待賦閒
情辭魏俗宛申微意禮能
防神仙夙命根春水兒女
新裙如嫩篁江上靈祠鷗
滿樹記拏寒鞠薦真王

金谷翻風抱弱軀
何從鎮膽乞犀株三天慧
業宜禪榻

六代華粧謝錦襦
大地任增黃落感
小名今稱素馨呼
飄來帳角珊珊影
手撚鬟絲可繫無

美人眇眇阻江南
落日微微照遠嵐
散曲不填湘女怨
專房擬寵寶兒愁
輕烟繚月樓方夕
靜息通心夢早諧
向汝纏綿能幾輩
吳儂祇憶小桃酣

重簾一桁窳丫叉
密院何來凍雀譁
白石清泉驕供養
銀鐙玉筵眷年華
惜無蝴蝶依濃睡
羞借芙蓉障薄紗
忍得清寒持得瘦
一生知己但梅花

答方廣文

成珪

見題詩問韻卽自題卷後二章

魏無奇骨傲金臺
那有名書署玉杯
借技爭榮真鼠雀

隨方托賤本蒿萊，雌黃且復憑人口。太白原非緯世才，敢道文章懸日月。千秋蒙翳揭能開。

廿年肝腎苦雕搜，炫采矜華祇自羞。幾鍊冰霜成獨行，坐看鵬鵠縱長秋。身憐早棄何辭病，髮苦將斑敢諱愁。眼有方千猶憶釣，吾當採蕨北山頭。

原作二章

瑞安 方成珪 雪齋

當年壇坫盛金臺，未預賓筵末座杯。天北劍光沈督亢，海東雲氣接蓬萊。騷情不亂靈均筆，選體能精子美才。垂老明山一攜手，半生襟抱爲君開。

詩天無際任窮搜，屈曲依人信足羞。誰與鰥鵬爭變

化不隨鷓鴣度春秋身逃綺切仙應妒手把靈符鬼
亦愁讀罷怪來香一縷鄰梅枝過短牆頭

四明蔣氏鑒刻男景臯校字

書後

坊少學詩於從兄心水先生繼復從蛟門復莊夫子遊而知詩之宗旨在乎蛟門矣宜與吳仲倫先生之言曰詩藝耳可進於道斯言誠然而吾師之詩要不外是夫三百篇六義之權衡也變通於屈騷歸宿於漢魏而汎濫於唐宋金元明諸家門徑不同要各有其至當之理其背乎道與陳腐相沿習者舉不足論已吾師取法既正而又貫串經史並博採諸子百家之說供其驅使冥想所至直欲鏤肝搯腎以出之仍能愜乎依永和聲之旨宜乎藝之進於道歟昔子美嘗以清新美開府矣蓋

日月不新其光采不足耀八荒山川不新其靈幻不足
駭衆目然舍日月以言光采離山川以求靈幻又理之
所必無者故詩之爲道出乎古人之範者猶易出乎古
人之範而終不越古人之範爲尤難然則吾師之詩其
由新而見工歟而不知吾師之詩之新實能以不背乎
道而見工耳坊故云詩之宗旨之在乎蛟門也抑坊之
所以不能已於言者良欲取證淵源之或有一得焉否
也戊申花朝後三日慈谿受業葉元坊磊山甫拜題

吾師通古今家言又具過人之質偶有著述雖單詞片
議時露英偉 盛世之景星慶雲也而願其遇之因頓

若是夫世有畜於才而豐於命者豈吾師豐於才而宜其蓄於命歟雲書從吾師遊已久故知之甚深每見師於摒擋事畜酬酢世務之暇輒坐斗室陳一編夜非三鼓不睡也有疑義就質師必旁援曲引由委溯源務使反覆詳盡而後已於經攻易於史攷漢旁及訓故律歷家言尤師所心好皆獨抒異見著有成書未嘗輕示人故不知者咸以師爲工詞章之學而已師嘗語雲書曰凡人處世宜厚讀書宜刻真言之有抵者故師之爲人恂恂訥訥若愚者而不知其胸中故了了於古事也卽以是編論之理以確而精才以博而貫後以軒舉而

健情以紆鬱而深豈尋常尋章摘句之流可同日語者
然則吾師之學其足以灌輸千載者不得謂入之膏之
而非所以豐之也矧師年甫踰強仕又焉知天不以命
之由膏而豐者以發其才之光也不然天旣使師名滿
天下而將終置其身於窮愁落寞中耶道光戊申歲二
月初旬刻是編旣竣命鄞縣受業陸雲書篆僊甫覆校
謹書於後